

Молебное пение на Новый год

Диакон: "Благослови, владыко", **священник:** "Благословено Царство...." Хор: "Аминь". **Чтец:** "Приидите, поклони'мся..." (трижды) и псалом 64-й: "Тебе подобает песнь, Боже, в Сионе...", "Слава, и ныне" - "Аллилуиа"(трижды).

Диакон произносит ектению "Миром Господу помолимся", дополненную новогодними прошениями:

"О еже милостивно нынешнее благодарение и мольбу нас, недостойных рабов Своих, в пренебесный Свой жертвенник прияти и благоутробно помиловати нас, Господу помолимся".

"О еже благоприятным быти молениям нашим и простити нам и всем людем Своим вся согрешения, вольная и невольная, в мимошедшем лете зле нами содеянная, Господу помолимся".

"О еже благословити начаток и прохождение лета сего, благодатию человеколюбия Своего, времена же мирна, благорастворенны воздухи и безгрешен нам в здравии с довольством живот даровати, Господу помолимся".

"О еже отвратити от нас весь гнев Свой, праведно на ны грех ради наших движимый, Господу помолимся".

"О еже отгнати от нас вся душетленная страсти и растленные обычаи, страх же Свой Божественный всадити в сердца наша, ко исполнению заповедей Его, Господу помолимся".

"О еже обновити дух правый во утробах наших и укрепити нас в православной вере и спешных к деланию добрых дел и исполнению всех заповедей Его сотворити, Господу помолимся".

"О еже избавити Церковь Святую Свою и всех нас от всякия скорби, беды, гнева и нүжды и от всех врагов, видимых и невидимых, здравием же, долгоденствием и миром и ангел Своих ополчением верных Своих всегда оградити, Господу помолимся".

По окончании ектении священник возглашает: "Яко подобает Тебе всякая слава, честь и поклонение...." **Хор:** "Аминь".

На "Бог Господь" - тропари: "Благодарни суще недостойнии раби Твои, Господи...", "Слава": "Твоих благодеяний и даров...", "И ныне": "Всея твари Содетелю, времена и лета во Своей власти положи'вый, благослови венец лета благодсти Твоя, Господи, сохраняя в мире люди и град Твой, молитвами Богородицы, и спаси ны".

Затем читаются Апостол и Евангелие. Диакон: "Вонмем", **священник:** "Мир всем", **чтец:** "И дүхови твоему", **диакон:** "Премудрость, вонмем". **Чтец - прокимен:** "Воспою Господеви, благодеявшему мне, и пою имени Господа Вышняго" **со стихом:** "Возрадуется сердце мое о спасении Твоем".

Апостол из Послания святого апостола Павла к Тимофею зачало 282. После него священник: "Мир ти", **чтец:** "И духови твоему", **диакон:** "Премудрость", **чтец:** "Аллилуиа" (трижды), **диакон:** "И о сподобитися нам слышанию Святаго Евангелия, Господа Бога молим", **хор:** "Господи, помилуй" (трижды), **диакон:** "Премудрость, прости, услышим Святаго Евангелия", **Священник:** "Мир всем", **хор:** "И духови твоему", **священник:** "От Луки Святаго Евангелия чтение", **хор:** "Слава Тебе, Господи, слава Тебе", **диакон:** "Вонмем".

Священник читает 13-е зачало Евангелия от Луки, хор по прочтении его поет: "Слава Тебе, Господи, слава Тебе", **после чего диакон произносит ектению:** "Рцем вси..." **с новогодними прошениями:**

"Благодаряще со страхом и трепетом, яко раби непотребнии Твоему благоутробию, Спасе и Владыко наш Господи, о Твоих благодеяниих, яже излиал еси обильно на рабех Твоих, и припадаем и славословие Тебе, яко Богу, приносим и умиленно вопием: избави от всех бед рабы Твоя и всегда, яко Милостив, исполни во благих желание всех нас, прилежно молимся Ти, услыши и помилуй".

"О еже благословити венец наступаемаго лета благостию Своею и утолити в нас вся вражды, нестроения и междоусобныя брани, подати же мир, твердую и нелицемерную любовь, благочинное же строение и добродетельное житие, молим Ти ся, Всеблагий Господи, услыши и помилуй".

"О еже не помянути безчисленная беззакония и лукавая наша деяния, в мимошедшем лете бывшая, и не воздати нам по делом нашим, но в милости и щедротах помянути нас, молим Ти ся, Милосердый Господи, услыши и помилуй".

"О еже подати дожди благовременны, ранни же и поздни, росу плодоносну, ветры мерны и благорастворенны, и теплоту солнечную возсияти, молим Ти ся, Всещедрый Господи, услыши и помилуй".

"О еже помянути Церковь Святую Свою и укрепити, утвердити же, разрешити и умирити ю и невредиму адовыми враты и всеми наветы видимых и невидимых врагов непребориму во веки соблюсти, молим Ти ся, Вседержавный Владыко, услыши и помилуй".

"О еже избавитися нам в сие грядущее лето и во вся дни живота нашего от глада, губительства, труса, потопа, града, огня, меча, нашествия иноплеменных и междоусобныя рати и всякия смертоносныя раны, скорби же и нужды, молим Ти ся, Милосерде Господи, услыши и помилуй".

Священник возглашает: "Услыши ны, Боже, Спасителю наш...." **Хор:** "Аминь". **Диакон:** "Паки и паки, преклоньше колена, Господу помолимся". **Хор:** "Господи, помилуй" (трижды). **Священник читает молитву:**

"Владыко Господи Боже наш, Источниче жизни и безсмертия, всяя твари видимыя и невидимыя Содетелю, времена и лета во Своей власти положи'вый и управляяй всяческая премудрым и всеблагим Твоим Промыслом! Благодарим о щедротах Твоих, яже удивил еси на нас в

мимошедшее время живота нашего. Молим Тя, всещедрый Господи, благослови венец наступающего лета Твоею благодатию. Подаждь свыше благая Твоя всем людем Твоим, здравие же, спасение и во всем благое поспешение. Церковь Твою Святую, град сей и вся грады и страны' от всякаго злаго обстояния избави, мир и безмятежие тем даруй. Тебе, Безначальному Отцу, со Единородным Твоим Сыном, Всесвятым и Животворящим Твоим Духом, во Едином Существо славимому Богу, всегда благодарение приносить и Пресвятое Имя Твое воспевати да сподобиши".

Заканчивает священник молитву возгласением: "Слава Тебе, Богу, Благодателю нашему, во веки веков". **Хор:** "Аминь" **и сразу же поет славословие великое:** "Слава в вышних Богу..." **или же песнь святого Амвросия, епископа Медиоланского:** "Тебе, Бога, хвалим..."

По окончании пения - отпұст и многолетия. На отпυсте священник произносит: "Христос, Истинный Бог наш..."